



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

caput XXXII.

urn:nbn:de:hbz:466:1-29452

dè fideles conseruat puros, ne incidant in tentationem sectarū. Et hoc maximè credere debemus, quòd Deus vult nos conseruare, & nō permittere vt inducamur in tentationem: alioqui nemo esset tutus à Sathana. Ligauit em̄ ipsi manus Deus, ne tantum quantum velit, tentare possit fideles. Sic inquit Apostolus 1 Cor. 10. Fidelis est Deus, qui non patietur vos tentari supra id quod potestis, &c.

DE LIBERATIONE

à malo.

CAPVT XXXII.

ARGVMENTA.

1. *Quid significetur per hoc nomen, Malum, à quo liberari volumus.*
2. *Quare in genere petimus liberari à malo, & non in specie, vt ab hoc aut illo malo.*
3. *Quare non petamus custodiri à malo, sed liberari.*

Malum significat nō solūm peccata quæ sunt contra Dei præcepta, vt idololatria, Blasphemia, maledictio, furtum, adulterium, homicidium, vel etiam diffidentiam contra DE I promissa &cæt. Sed hoc verbum, malum, significat etiā omne infortunium in corpore & anima, in honore & rebus, quod nobis propter peccatum cōtingit, vt persecutionem, bellum, incendium, infirmitatem, pestilentiam, caritatem annonæ, & omne damnum quod Sathan nobis quotidie inferre studet: nec enim recenseri possunt omnia mala quæ excitat Sathan his nouissimis temporibus: ideò petimus liberari à malo, hoc est, secundum Chrysostomum, à Diabolo: & rectè vocatur ma-

tur malus, (der böse.) quia malorum omnium nobis caput & causa est: petimus igitur liberari ab illo malo, id est, principe mundi Diabolo, & ab omnibus corporalibus & spiritualibus malis, quibus ille malus id est, Diabolus electos Dei afficere solet. Nam Diabolus nostri generis humani iuratus hostis est: in hoc totus incumbens, vt nos seducat, excæcet & damnent in æternum. Sed non potest superare signatos sancto spiritu ad iustitiam & sanctificationem per fidem Christi, sed omnes eius vires pedibus fidelium calcantur in eo qui dicit: Princeps huius mundi non habet in me quicquam, Ioan. 16.

2.

Petimus in genere liberari à malo, & non in specie vt ab infirmitate, fame, bello, &c. cuius ratio est, quia nos non sufficienter agnoscimus, quid nobis proficiat aut quid noceat: nã si quis putat infirmitatem magnum esse sibi damnum, si autem sanus esset, fortè grauius peccare posset, vt per hoc etiam damnaretur, vel aliquid aliud præsumeret, propter quod mereretur mortem: si autem infirmatur, manet in vita & etiam saluari potest. Sic etiam quis putat diuitias sibi plurimum esse proficuas: & ideò nihil discit, ociatur, & discendias excitat, aliquando etiam occiditur: aut nihil facit, quàm quod edit, bibit, & ludit, vnde in varias incidit infirmitates, & moritur: quod si pauper fuisset, aliquid didicisset & laborasset, melius & salubrius vitam transigeret. Sic sepè quis putat male sibi fieri, si habuerit aduersitates & persecutiones, aut quando impeditur à suo proposito, & nescit nec intelligit quod magis pernicies sua fuisset, si ea mala non habuisset. Ideò nos nescimus, quid nobis bonum vel malum sit in veritate: & propterea nos hoc committimus Deo, & in genere petimus, vt ille dignetur nos liberare à malo, quod ipse scit nobis malum esse, nouit enim melius quàm nos: Quare inquit Petrus. 1. Pet. 4. In sternis oratiõ, & comẽdemus fideli creatori animas nostras &c.

&cæt. Ideò, quando breue verbum hoc dicimus, Libera nos à malo, Deus scit nos liberare, vbi opus est, Vult quoque D E V S, vt hanc orationem ad ipsum dirigamus, vt in omni malo quod nobis obuiat, apud cum quæramus opem, & non apud alium hominem: nam dicitur per prophetam Ieremiæ, decimo septimo. Maledictus qui confidit in homine, Ideo soli Deo confidere debemus: nam licet homines nos protegāt aut iuuēt, non homines hoc, sed Deus per illos facit tanquā per instrumentum: si autē id facere Deus noluerit, nec homines poterunt facere. Si infirmamur, & Deus noluerit nos sanos, nec medicus optulabitur: quando autem vult nos sanari, tunc faciet per medicinam, quam ad hoc quasi instrumentum creauit & ordinauit: multò minus proderunt refugia ad incantatrices & spurcitas dæmonum, &cæt. Sic dicit propheta, Clamabitis ad me, & ego exaudiam vos, &cæt. Quare plurimum Deo displicet, quoties per alia media auxilium quærimus, quam per ipsum: nam ibi debitus cultus & honor ei subtrahitur quem exigit à nobis, & tribuitur creaturæ vel Diabolo, id quod grauissimum est peccatum.

3.

Petimus liberari, & non custodiri, à malo: non dicimus, Custodi nos à malo, sed libera nos: Nam certum est, & nos iam fatemur, quod in malum iam incidemus, si dixerimus quod peccata non habemus nos ipsos seducimus, & veritas in nobis non est, i. Ioann. 1. Rom. 3. Omnes peccauerūt, & egent gloria Dei adhuc fomes peccati latet in carne nostra, sicut calor in calce, & natura nostra oppressa est peccato & primata originali iustitia, ex qua radice supullulāt varia externa vitia, superbia, auaritia, furtum, mēdaciū, mala conscientia, inuidia, heresis: hos motus carnis excitat in nobis Sathan, vt ei obediām⁹ & dānemur, Ne igitur penitus succūbamus & opprimamur & obediām⁹ concupiscentijs carnis, sicut Apostolus

admonet, Rom. 6. rogamus liberari à malo, vt tãdem veniat vbi plenè sumus liberati, scilicet in cœlo. Et quoniam nostra voluntate peccato Adẽ in quo omnes peccauimus, Romanorum 6. incidimus in mala, quæ sequuntur peccatum: ideò ad punitionem portata e oportet ad tempus mala, quatenùs corrigamur. Ideò non petimus vt statim Deus extinguere velit & tollere omnia mala, sed liberare postquàm multa mala perpeffi fuerimus, vt nos ex illis eruat ne finaliter pereamus, sicut etiam dicit propheta P sal. 33. Multa tribulationes iustorum, & de his omnibus liberauit eos Dominus: Dominus custodiat omnia ossa eorũ, & vnum ex his non conteretur. ideò etiã Deus ad punitionẽ peccati permittit mala & crucem super collũ nostrum, vt reliquie peccatorum in carne, & propria nostra voluntas mortificetur, donec tandẽ penitentia liberamur ab omni peccato, & malo, qd̄ fiet in morte & resurrectione: ideò quandò petimus liberari à malo, etiam petimus felicem finem, & hunc etiã petere debemus, vt Deus concedat, & nos ab omni malo liberet. Debemus ergò esse prudentes & patientes, Matt. 10. Estote prudentes, & 1. Petr. 4. Estote prudentes, & vigilate in orationibus: prudentes autẽ in hoc ne peccatum quod adhuc nobis inhæret, sequamur etiam & obediamus, Romanor. 6. patientes in hoc, vt crucem & omnia mala quæ Deus nobis imponit, voluntariè portemus: & Deum seriò inuocemus, vt nõ permittat nos perire in malo. Amen. quod significat, hoc certò fiat, sed hoc non solũ ore dicere oportet, scilicet amen, id est, fiat, sed etiam corde certissimè credere, quòd Deus sic nobis faciet propter Christũ filium suum, qui sic docuit orare: sicut certa & vera sunt omnia, quæ Christus locutus est, ita hoc certissimè credere debemus, quòd hæc omnia ppter Christum exaudiãtur: Nam sicut credimus, ita fiet nobis, Mat. 9. fiat vobis secundũ fidem vestram.

Credo